

ኦይትምስባብ ጳውሎስታ ቃስትምስ ክታ ጢማቶስካንታ ኦርድንታ

ጳውሎስ ጢማቶስካንታ ጸፍሳንዳ ኮና ቃስትምስ ክቴ፡ ጳውሎስ ክትካ ክክን ማትሶ አሌንም አልድባብካንተኬ ክታ ፍክስንታ ላኮይት ማቶባብ ማርንድን ጢማቶስካንታ ክት እምሳን ዞርንም የጃንዴ፡ ሰግሰሰረ ክት ዞርሳንዳ ዳንዳእካ ክት ዛብድንግንዴ፡ ጢማቶስ ዞርንምኬ ዛብሰታ ቃለን ክት ዐፍሳንደረ የሱስ ክርስቶስካንታ አሜንምሶ ክት ማርከርድንግንዳ፡ ክላ ኬዘንታ ቃለንምኬ ኤና እሪ ጫቃ ቃለንታ ኤሰሰን ዳቅሰሶ የድንግንደኬ ዐረነረ ዋራ ማጠኬ ግርንተረ ክታዘን በጅንከረ፡ ኤሰሰርንደትኬ ክላ ኬዘንም ሳባከሮ ክት ዛብተርንግንዴ፡

ጢማቶስካንታ ሰግ እምምሳን ኤግዝምስና ዳቻግንዳ ኬዝምድን ወቕኩን ቤርምዘንካ ክት ጎተርድንግንዴ፡ ኮግንዳ ሪና ኤሰርድባብከሰም ካይሰዘንካ ኡብ ዐረሰነረ ኤድካንታ መያዬ፡

ኮ ሙደንካ ጢማቶስ ገቅር ክትም ዝግዝድንዳ ጳውሎስታ ደቅንተንኬ ክታ ገቕ ዐቅንታ ገቅርንም ሰግሰሰረ ክታ አሜንን፡ ክታ ደቅንተንምኬ ዳይርንካ ክትም የልሳን ማጠን ካምስ ማሰሶ ክት ጎርሰምድንግንዴ፡

ማጻፍን ኮትኮታ ሙዳ የድንተና

ኦርድንታ (1:1-2)

ጢማቶስካንታ እምምሳን ዞራ (1:3—2:13)

ካደርድን ሰጩንካ አሜንምስባብ ማትሶ ዐፍር (2:14—4:5)

ኮት ለእንካ ደቅድን ሪንከሰንኬ ዝግዝድን ክተንከሰ (4:6-18)

በእንታ (4:19-22)

¹ የሱስ ክርስቶስንካ ዐረፈሳን ደቅንት ጉርምንግንዳ ሳብታ ጋይተንካ የሱስ ክርስቶስታ ኦይትምስባብ ጳውሎስዘንካ፡ ኦይትምሳንዳ ክታ፡

² ሶልምምስባብ እስታ ይንቕን ጢማቶስካንታ፡

ሳብ ባቤንዘንኬ ዋንታ ጮይሰን የሱሰ ክርስቶስዘንካ ዉች እምንተና፥ አጭርንኬ ሳራትቼነረ የሰካንታ ማታ።

ጢማጥስካንታ እምምሳን ዞራ

3 ሙዳዐይካ ዐየከኬ ሶይትካ የሰም እስታ ምክሰንካ እ ገቀርድንካ እስታ ባቤንከሰ ከት ይሳንግንዳ እተረ ጭለጭል ገቅርካ እ ፍግዘድባብ ሳብም ጋለድቴ።

4 የሰታ ኤርመንም ገቀርድቴ፥ ኮ ኦላር አንድር እም ጉርምዘድንግንዳ የሰም ሰድንካንታ ሱነርድቴ።

5 የሰካ ደቅድንደትም ዶፊን አሜንን ገቀርድቴ፥ ኮግንዳ አሜንና ኤና እሪ የሰታ አክነን ሎይደኬ የሰታ እንደን ኤዉንቀካ ዐቃንዴ፥ የሰከረ ደቅድንደትም እታ ኤሰትቴ።

6 ኮኅካ እስታ እንንም የዘን ዋጃንደትዐይካ የሰካንታ እምምሳንደትምኬ የሰታ ዋሪ ደቅድንደትም ሳብታ ዉች እምንተን ካርንካ እምሰዘድንግንዳ የሰም ገቀርሰዘድቴ።

7 ሳብ ዋም እምሳንዳ ዋልቀተኬ፥ ሶልመታ፥ ማተንም ይንታ ቆልድን እያን ዳት ጳሰታ እያን ካዬ።

8 ይና ዋንታ ጮይሰንካ ማርከርካንታ ዐይ ኦሰኔ፥ ክትካንታ እ ዘከርሳንደትካ እንከረ ዐይ ኦሰኔ፥ ኬዛር ማቼ ሳብ የሰካንታ እምድን ዋልቀካ ክላ ኬዘንካንታ እንካ ክክን ማጠንም ተይካ።

9 ኖ ዋ ይሳን ኤርማ ፍክሰንካንታ ማታክናና ይንታ ጋይተንኬ ዉች እምንተንካ ዋም አቅሴ፥ ሳብካንተረ ዋ ፋሰምድንግንዳ ዋም ኤልሴ። ኮትኮመረ ዉች እምንተን ኤና ሰለንከሰታ እሪ የሱሰ ክርስቶስኅካ ዋም እምሴ።

10 ኮነረ ዉች እምንተና ዋም አቅሰንባብ የሱሰ ክርስቶስታ ዐድንተንካ ታ ዋካንታ መያ ማቼ። ኖየረ ደእንታ ዋልቀንም ካዮሰሶ ክላ ኬዘንካንታ ደእካየንደትም ሰለንክንደታ ደቅንትን መያ ማሰሴ።

11 እተረ ኮ ክላ ኬዘንም ኬዘድባብ፥ ኦይትምሰባብ፥ ኤሰሰንባብ ማትሰቶ ዶርምትቴ።

12 ኮም ማጤን እ ተይድንደረ ኮኅኬ፥ ኬዛር ማቸ ዐይም እ አሜንሳናንከረ እ ኤዘድንካንታ ኦሰንዳክቴ፥ ዋደ ጋይሰቶ እ ክትካንታ እምሳንደትመረ ኦ ኮት ሰጩን የለልታ ካርሰካንታ ክት ማድንደትም እታ ኤሰትቴ።

13 እዘንካ የሰ ኤሳንደትም ዶፈን ቃለን ካምሰግንዳ ማሰሰዮ የሱሰ ክርስቶስካ ዋንታ ዶቅድን አሜንንኬ ሶልመንም ካርሰካ።

14 ዋንታ ዋር ዶቅድን አያን ጭልንጎካ የሰካንታ እምምሳን ኡርማ ዋደንም ካርሰካ።

15 እስያር ዶቅድባብ ሙደና እም ዛቅሰኮ ከት አይሳንደትም የና ኤዘደዬ፥ ከተረ ዋክያርንካ ፍገሉሰኬ ሂርሞገነሰካ ዐፈርደኬ።

16 ጮይሰ እነሰፎር ኤሀ ኤድንከሰም ሳብ አጨራ፥ ኖ በድዐይካ እም ዳቅሰቲ፥ እሰታ ዞክርንከረ እሰናክዬ።

17 ኮትግንደረ ሮማር ይ ዐፋንደትካ በድ ዝግሶ እም ዐፍሴ።

18 በእንታ ሰጨንካ ጮይሰ አጭርንም ክትካንታ እማ፥ ኤፈሶን ካተመናር እ ዐቃንደትካ ዐፈክካ እካንታ ክት ፍክሳናንከረ የና የሰታ ማታርንካ ኡርሰሶ ኤዘደዬ።

2

ክርስቶስታ አሜንምሰባብ ዳምንባብ

1 ይና እሰታ ይንችኖ! የሱሰ ክርስቶሳር ዐፈርድን ወች እምንተናር ዳእካ።

2 በድ ማርከንከሰታ እሪ እዘንካ የሰ ኤሳንደትም ኤሰሰን አብንከሰም ኤሰሰካንታ ኤራ ዶቅድባብከሰካንተከ አሜንምሳን ኤድንከሰካንታ ዋደን እምካ።

3 የነረ የሱሰ ክርስቶስታ ኡርማ ዳምንባብ ማትንተካ እንካ ክክን ማጠን ተይካ።

4 ዳምንባብ ማትሶ ፍግዘድባብ ኤድ ዳምንታ ክተንባብም ጉርምሰካንታ ግግምሰባብ ማት ዝግዘዳ ዳት ዳምንባብ ማሰዘዳክን ካርዘን ዐቃዬ።

5 ኮግንደረ ዘደካ ጋምድቲ ጋይድን ኤድ ኮታ ዋገንግንዳ ዘዳክንዳ ማቺ ጋምንተንታ ዛወደን እመርድንደትም ዐፋዬ።

6 ፍክሰካ ጋብድን ዋንንባብ ይንታ ፍክሰናርንካ ዐፈርድን አፍ እርንደትም ዐፍ ክትም ዝግዘዳ።

7 ጮይሰ ሙዳ ሪካ ገቀርት ተይን የሰካንታ እምድንኦል እ ጋይድንደትም ቡዳ ይይሶ ገቀርካ።

8 ደእያርንካ እምሰባብምኬ ዳዊትታ ሱሳ ማችባብ የሱሰ ክርስቶስም ገቀርካ፥ እየረ ኤሰምዘድንዳ ክላ ኬዘና ኮኔ።

9 ኮትኮ ክላ ኬዘንጎካ ዳቀልሰንባብከሰግንዳ ሰብልካ ዞክርሰቶ ማጠንም ተይድቲ፥ ሳብታ ቃለና ማቺ ዞከራዬ።

10 ኮካንታ ከተረ የሱስ ክርስቶስንካ ዐፈርድን እቅንተንኬ ሰለንከንደታ ቦንቹን ከት ዐብድንግንዳ ሳብ እጃን ኤድንከሰካንታ ጋይንተካ ሙዳ ርም ዳንዳእድቴ።

11 ኩን ጋይድን ቃለና እሚንምሳንዴ፥
ክትካ ክክን ዎ ደእሴ

ክትካ ክክን ሰንፔካ ዶቅቶሮቴ።

12 ዳንዳእንካ ዳቅሶ ዎ ዐፈርሴ

ክትካ ክክን ባንቶምዶቴ።

ዎ ክትም ካጃ ናየረ ዎም ካተራ።

13 ዎታ እሚንምሰባብ ዎ ማታክንዳ ማቼ

“ኖ ማቼ ይንታ ማተን ካዳክንኦል ሙዳዐይካ እሚንምሰባብ ማትሶ ዶቅተራ”።

ማርከርምሰባብ ዳቅማ ፍክሰባብ

14 ኮም ሪን ከትም ገቀርሰካ፥ አፋርንካ ዉድን ኬዘንካ ከት በርምዳክንግንዳ ጮይሰታ እሪ ከትም ኤግዘምሰካ፥ ናኮና እፈናርንካ ዉድን ኬዘንካ በርምና ኤሰርድባብ ኤድንከሰም ካይዘዳ ዳት ዐራ ሪካንተረ መያዬ።

15 ደፈንንታ ቃለን ገታ የልዝድባብግንደኬ ይንታ ፍክሰንከረ ኦሰንዳክን ፍክሰን ባብግንዳ ማትሶኖ የሰታ ማተን ሳብታ እሪ ግግሰካንተኬ ማርከርምሰባብ ማትሶ ዐፈርካንታ ጉርካ።

16 ኮ ፍጫሙደንታ ማቻን ዉቕ አፍርንዘንካ ጎተርካ፥ ኮግንዳ አፍርና ኤድንከሰም ሰግሰሶ ሳብዘንካ ጎተርድንግንዳ ከትም ይዴ፥

17 ከታ ኬዘና ኡዘዳክን ድድግንዳ ዳርዘዴ፥ ከታ ዎክያርንካ ሄመኖሰኬ ፍልጦሰካ ዐፈርደኬ።

18 ኬና ኤድንከሰ “ደእሰባብከሰታ አምንተና ኮታ ኤና እር ማቴ” ጋየረኮ ቤርምካ ደፈንዘንካ ጎተርተኬ፥ ዋልቃ ዋልቃ ኤድንከሰታ እሚንን ኮተርዘደኬ።

19 ኬዛር ማቼ “ጮይሰ ይንታ ማቶባብከሰም ኤዘዴ” ኮግንደረ “ጮይሰንታ ላምን ኤልድባብ ሙደና ዳቅልንዘንካ ጎተራ” ጋይድን ማህተም ዶቅድንዳ ሶግዳክንዳ ሳብታ የድና ዳቅሶ ዶቅተራ።

20 እንድር ኤሄታ ዋሪ ዎርቀዘንኬ ዲንድዘንካ ኡርሰምሳንዳ ርንከሰ ዐክ ማታከክዶቆ ዐቀዞንኬ ፍጨዘንካ ፍክሰምሳንዳ ሪየረ ዐፈርዴ፥ ከታርንከረ ዋልቃ ዋልቀና ቦንቶምሳን

ፍክሰካንታ፡ ዋልቃ ዋልቀንከሰረ ሶንቻ ካየን ፍክሰካንታ
ዐቅደኬ።

21 ከትኬና ሶንቻ ካየን ሪንከዘንካ ፋሰምሶ ጭለጭል ማትሶ
 ደቅድባብ ኤድ ሶንቻምሳን ፍክሰካንታ **ዐቅድን** ርንግንዳ
 ማተሪ፡ **ዐምነረ** ኡርማ ፍክሰካንታ ግግምሰባብ ይንታ
 ጮይሰንካንታ ፋሰምሰባብኬ መይድን ፍክሰካንታ ግግምሰባብ
 ማተሪ።

22 ሰከንንታ ዳቅል እንግርንዘንካ ጎተርካ፡ ጭለጭል ቡደካ
 ጮይሰም ኤልድባብከሰካ ክክን ማትሶሶ ጭለትቶን፡ አሜንን፡
 ሶልመን፡ ሳራትቼንመረ ጎርሰምካ።

23 ዋጭመም ተይዐድን ኤሰሳላዮ ዳቶሪንዘንኬ ዉቕኩን
 ቤርምዘንካ ጎተርካ።

24 ጮይሰ የሱሰታ ፍክሰባብ ማቻን ኤድ፡ ሙደንታ
 ባንግር አብ ኤድንካንታ ገቀርድባብ፡ ኤሰሰካንታ ማድባብኬ
 ዳንዳእድባብ ማት ዝግዘዳ ዳት ዋጭማ ክትም ዝግሰሳዬ።

25 ኖየረ ይም ግርድባብ ኤድንከሰም ቡዳርንካ አትርካ
 ማዘድባብ ማት ክትም ዝግዘዳ፡ ሳብ **ዐረንግርካ** ዶፊንን ከት
 ኤዘድንግንዳ አነረ ከታ ይንታ ጎማ ፍክሰን ዋይዘድንግንዳ
 ጋይዳ ማተሪ።

26 ኮግንደካ ከታ ይንታ ቡዳር ማትሰኮ ዳብሎስ ይንታ
 ጋይተን ከት ቦድንግንዳ ከትም የጃን ጭከንዘንካ ሱርደኬ።

3

በእንታ ሰጩንከሳር ይይምድን ባቕንከሰ

1 በእንታ ሰጩንከሳር ማእዘድን ሰላ **ዐድንደትም** ኤሰካ፡

2 ኤድንከሰ ይንታ ማተን ሶልምድባብከሰ፡ ብራካንታ
 ጭጭድባብከሰ፡ ይንታ ማተንም ጩቅድባብከሰ፡
 ኦተርድባብከሰ፡ የግድባብከሰ፡ አጭባከሰካንታ
 ክትምዳክባብከሰ፡ ኤድ **ዐቃንደትም** ገቀርዳክባብከሰ፡
 ሳብካንታ ፋሰም ካየንባከሰ፡

3 ሶልማ ካየንባብከሰ፡ ነጋ ጋይዳክባብከሰ፡ ኤታ ካሪ
 ኬዛኦንግድባብከሰ፡ ይንታ ማተን ቆልዳክባብከሰ፡ ጋርዘንከሰ፡
 ኡርማ ማድን ሪም ቦዘድባብከሰ፡

4 ካድባብከሰ፡ ሳነርድባብከሰ፡ ኦትረካ ጭጭባብከሰ፡
 ሳብም ሶልመዘንካ ሰግሰሶ ዋሄታ ጉርምን ሶልምድባብከሰ
 ማተረኬ።

5 ሳብም ጎይንድባብ ካምሶ ዐረፈደኬ፥ ጎይንነታ ዋልቀንም ማቼ ካደኬ፥ ከትኬናከሰግንዳ ዶቅድን ኤድንከዘንካ ጎተርካ።

6 ኬና ኤድንከሰ ዋልቃ ዋልቃ ኤድንከሰታ ኤር ላጵሶ አርደረኮ በድ ጎማ ዶቅድባብከሰምኬ ዐክ ዐክ አንግርካ ጎርሰምድባብከሰ እያናር ጋፍሳን ማንከሰም ጩባካ የድባብ ኤድንከሰግንደኬ።

7 ኮግንዳ ማንከሰ ሙዳዐይካ አብንዘንካ ኤዘደኬ፥ ኬዛር ማቼ ዶፈንንም ኤሰካንታ ቦድሶ ማታየኬ።

8 እያነሰኬ እያንበረሰካ ሙሴም ከት ግርዳንደትግንዳ ኬና ኤድንከሰረ ማክቼና ከታ ባጅባብከሰኬ አሜንንከረ ዋቕንተና ከታዘን የልሰባብ ከት ማቻንኦል ዶፈንን ግርደኬ።

9 እያነሰተኬ እያንበረሰታ ዳቕርና መያ ማቻንግንዳ ከትኬና ኤድንከሰተረ ዳቕርና ኤድ ሙደንታ እሪ መያ ማድንኦል ከትካንታ ቦዳዬ።

በእንታ ዞራ

10 የና ማቼ፥ እሰታ ኤሰሰን፥ እሰታ ዶቅንተን፥ እሰታ ገቅርን፥ እሰታ አሜንን፥ እሰታ ዳንዳእን፥ እሰታ ሶልመን እ የጃንደት እሰታ ዳቅንተን ኤዘደዬ።

11 ኮትኮግንደረ እሰታ ዳይርንኬ እሰታ ማጥርንም ኤዘደዬ፥ አንጻክያርንኬ አቆንያር ልሰጥራረረ እዘን የልሳን ሪንኬ ዳንዳእካ እ ተያንደትም ዳይርን የና ኤዘደዬ፥ ጮይሰ ማቼ ሙደንዘንካ እም አቅሴ።

12 ዶፈንከረ ክርሰቶስ የሱሳር ሳብንም ካመር ዶእካንታ ሶልምድባብ ሙደና ዳይርምደኬ።

13 ኬዛር ማቼ ዳቅል ኤድንከሰኬ ገሰንባብከሰ ማቼ ኤድንከሰም ኮተርሰረኮ ይንታ ማተረ ኮትረረኮ ዳቅልንታዘን ዳቅልን ጉጀር አይደኬ።

14 የና ማቼ የሰ ኤሳንዳ ዐይዘንካ ማቼረ የሰ ኤዘድንካንታ የሰ ኤሳንደታርኬ ዶፈና የሰም አርደዳንደትካ ዳእካ።

15 ኮትኮግንደረ የሰታ ይንቕርንካ የድሰዮ የሱሰ ክርሰቶሳር አሜንካ አቅንታ ዐረፈድን ኤሰሰን የሰካንታ እምምድን ጭል ማጻፍን ኤሰተዬ።

16 ጭል ማጻፍና ሙዳ ሳብታ አፋርንካ ወተዳን ቃሌ፥ ና ኮነረ ዶፈንን ኤሰሰካንታ፥ ኮተርሰባብከሰም ዋጭካንታ፥

ኮትርንም ሰቸካንተኬ ዶቅንትንካንታ ገታ ኡርድን ክቴን እምካንታ መይድንዴ።

17 ኮት መይድንደረ ሳብ ኤድ ቦድመኬ ዐምንመረ ኡርማ ፍክሰንም ፍክሰካንታ ማድባብ ማትሶ ዐፈርድንግንዴ።

4

1 ሳብታ እሪኬ ኮትኮግንደረ ክታ ባንቸምና መያ ማድንደትዐይካ፥ ሰንፔካ ዶቅድባብታዘንኬ ደእሰባብታዘን ፋረድባብ የሱሰ ክርሰቶስታ እሪ ዋደ የሰም ጋይድቴ።

2 ቃለንም ሳባካ፥ የሰም ኡርሰረ ኡራክንዳ ማቼረ ሙዳዐይካ ዳቅሶ ፍክሰካ፥ ኤድም አርድንግንዳ ይየረዮ፥ ዋጨረዮ፥ ዞረረዮ፥ ዳንዳእኬ ኤሰሰንካ ዳእካ።

3 ኤድንከሰ ዶፈን ማቻን ኤሰሰን ኤሰርካንታ ከት ዝግዳክንዳ ሰጫ ዐይዴ፥ ኬዛር ማቼ ማዳክን ኬዘም እንግርካ ከታ ይንታ ማታርካ ከት ሶልምድ ሪ ኬዘድባብ ኤሰሰንባብከሰም ሳንዝደኬ።

4 ኮካንታ ዶፈን ኤሰርን ዛቅሰኮ ዐይሰም ኤሰር ሶልምደኬ።

5 የና ማቼ ሙዳ ሪካ ካርሰምሰባብ ማትካ፥ ማጠንም ተይንተካ ዳእካ፥ ክላ ኬዘን ሳባከርድንደትም የሰታ ፍክሰ ማሰካ፥ የሰታ ፍክሰንም ሙዳ ቦድካ።

6 እታ ማቼ እሰታ ማተን ካሲ ማሰሰቶ ደእካንታ የልትቴ፥ ኮ ፍጫሙደንዘንካ ፋሰምሰቶ እ እይድንደታ ሰጪና የልቴ።

7 ኡርማ ጉርን፥ ጋምካንታ ጉርትቴ፥ ዞደንም በእንታ የለልታ ዘትቴ፥ እሜንንም ካርሰትቴ።

8 ይና ኮዘንካ ጭለትቼንታ ዛዉደና ግግምሶ እም ካርዝዴ፥ ኮትኮ ዛዉደነረ ኖ ገታ ፍርደን ፋረድን ጮይሰና ኮትኮ ሰጪንዐይካ እካንታ እምተሬ፥ ክት እምድንደረ እካንታ ዐክ ማታክናና ክታ መያ ማትን ሶልምድባብ ሙደንከሰካንቴ።

ጳውሎስታ ገቀርሰና

9 ሳነካ የሰ እዘደር ዐድንግንዳ ጋይድቴ።

10 ደማሰ ኮፍጫ ሙደን ሶልምሶ እዘንካ ፋሰምቴ፥ ተሰሎንቃር አይቴ፥ ቂርቂሰ ገላትያር፥ ቲቶረ፥ ድልማጥያር አይቴ።

11 እንካ ክክን ዶቅድባብ ሉቃስ ዐክዬ፥ ማርቆስ ፍክሰካንታ እም መይድንካንታ ክትም ተይዐትካ።

12 ቲክቆስም ኤፍሶናር ኦይትቴ።

13 የና ዐገድ፡ ጥሮኦዳ ፍጨናር እክርጸደር እ ዛቅሳንደትም ኮቦርተን እካንታ ተይዐትካ፥ ማጻፍንመረ ሰክሰሰረ ኤና እሪ ጸፈርሳን ማጻፍን ተይዮ ዐትካ።

14 ጋይን ፋግድባብ እስክንድር አንድር እም ኡፈልሴ፥ ጮይሰና ክታ ፍክሰንግንዳ ናክተሬ።

15 ና ዋ ኬዝድንደትም አንድር ክት ግርድንካንታ የነረ የሰታ ማታርንካ ክትዘንካ ካርሰምካ።

16 እ ካሰሰምሳን ርንካ እሪ እሰታ ኬዘንታ ማሰን እ ኬዝድንደትካ ሙደነረ እዘንካ ፋሰምሰክ ዳት እንካ ክክን ማትሶ እም አለን አልሰባብ ዐየነረ ካዬ፥ ኮትኮመረ ሪን ሳብ ባችግንዳ ማሰሶ ከታዘን ዐይፋይዳ።

17 ኬዛርካ ማቼ ክቴና እኅካ ሙደና ኬዝምድንግንደኬ አይሁድ ማታክባብከሰ ሙደና ከት ኤስርድንግንዳ ጮይሰ እንካ ክክን ማትሶ እም ዛብሴ፥ ዞበንተረ አፋርንካ አቅትቴ።

18 ጮይሰና ዳቅልሪ ሙደንዘንካ እም አቅዘዴ፥ ጭላር ዶቅድን ይንታ ባንችምንካንተረ እም ማዘዴ፥ ክትካንታ ሰለንክንደትዘንካ ሰለንካ ቦንቻ ማታ! እምንኤ።

ጳውሎስታ በእንታ ሳራትቻ

19 ጵርሰቅላካንተኬ አቅላካንታ፥ ኦነሰፎረምታ ኤሀ ኤድካንታ እሰታ ሳራትቹንም የልሰካ።

20 ኤራሰጦስ ቆርንቶስ ፍጨር ነግቴ፥ ጢሮፍሞስ ሰቀርሳንኅካ ምልጥ ፍጨናር ክትም ዛቅትቴ።

21 በርግና አርዳክናና ፈንክ እዘደር የሰ ዐድካንታ የሰም ዝግዝድንደትም ይይካ።

ኤጤቡሉስ፥ ጵደስ፥ ልኖስ፥ ዎንታ ምችነን ቅላዉድያ አሜንድባብከሰ ሙደና አቦ የሰም ጋይተኬ።

22 ጮይሰ የሰካ ክክን ማታ።

ሳብታ ዉች እምንቴና የንካ ክክን ማታ።

4:11 ቆሊ. 4:14፤ ፍልሞ. 24፤ ኦይት. ፍ. 12:12፤25፤ 13:13፤ 15:37-39፤

ቆሊ. 4:10። 4:12 ኦይት. ፍ. 20:4፤ ኤፈ. 6:21-22፤ ቆሊ. 4:7-8።

4:13 ኦይት. ፍ. 20:6። 4:14 1 ጢማ. 1:20፤ የቺ 62:12፤ ሮማ 2:6።

4:19 ኦይት. ፍ. 18:2፤ 2 ጢማ. 1:16-17። 4:20 ኦይት. ፍ. 1:22፤ ሮማ 16:23፤ ኦይት. ፍ. 20:4፤ 21:29።

ክል ጫቃ

Gayil: ክል ጫቃ (New Testament) of Ethiopia

copyright © 2025 The Word for the World International

Language: (Gayil)

Contributor: The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

52399b1c-c3b9-53d2-bee1-22d94d5aa3ab